

DISSERTATIONES  
TRES

HERCULIS CORAZZI

Abbatis Olivetani,

Et Publici Analyticos Professoris,

In Bononiensi Scientiarum Academia Recitatae,

*Eminentissimo ac Reverendissimo Domino*

D. FRANCISCO

AQUAVIVAE de ARAGONIA

CARDINALI PRINCIPI

DICATAE:



ENCLOSURE

BY

THE SECRETARY

TO THE

SECRETARY

OF THE

SECRETARY

OF THE

SECRETARY

OF THE

SECRETARY

(III)

# EMINENTISSIME PRINCEPS



*Eterum beneficiorum  
memoria, quae a te mihi, Prin-  
ceps Eminentissime, et a tuo im-  
mortalis nominis Fratre Joanne*

A 2

Hie-

*Hieronymo II. Hadriae Duce XV.  
collata sunt, tam alte inhaeret  
animo, ut nihil vehementius op-  
tem, quam pro rei magnitudine  
nonnihil rependere. Itaque et  
paucis ante annis eloquentissimas  
Sapientissimi Pontificis C L E-  
M E N T I S XI. Homilias poeti-  
cis numeris conclusas tibi dica-  
vi; et nunc rursus aliquid affe-  
ro, eo saltem nomine non exigu-  
um, quod ad egregium et prae-  
stantissimum Praesulem Joannem  
Mariam Lancisium, ejusdem San-  
ctissimi Patris Archiatrum, ma-  
xime spectat. Habes hic Dissert-  
ationes duas de duplici clarissi-  
mi Scriptoris volumine, quod ego  
in hac Scientiarum et Artium  
Academia referre jussus sum, ad  
Academici nostri litteratissimi  
glo-*

gloriam, et Bononiensium studiorum utilitatem. His nescio quid nostrum adieci de Hetruscis Ignibus, quod per se quidem levissimum est; sed optimarum rerum societate tamquam praestidio munitum videtur esse aliquid, et una cum ceteris audacissime accedit. Quamquam quid est, quod non timide ad illum accedere debeat, qui ex nobilissima totius Italiae familia inter summos Ecclesiae Proceres vocatus, Catholici Regis Orator est, totiusque Hispaniae in Romana Curia Patronus? Verecundiam omnem abjecisse putandus est, qui nihil veritus insigne A Q U A V I V A E nomen, nihil purpurae splendorem, nihil tantorum munerum gravitatem, sese ostende-

dere audet, et Principem plurimis titulis Eminentissimum compellare. Quid hoc rei sit, ego equidem non ignoro, qui tres annos domi tuae Philosophicas, et Mathematicas disciplinas professus, tantam cepi, atque animo indidi Hadriensium Principum estimationem, ut omnia jam mihi minora videantur. Sed nihil profecto esset inter varios hominum ordines commercium, si summa et absolutissima ratio cuiusque ordinis haberetur. Itaque facilitate quadam, et humanitate temperari solent Principum mores, ut vel ipsi ad nos aliqua ratione descendant, vel nos ad ipsos ascendamus. Jam vides, quo tendam, Princeps Eminentissime, nec aliud mihi in prae-

*praesens reliquum est ; nisi ut studia nostra tibi commendem , quae tanto in dies laetius succrescunt , quanto tu illa majore patrocinio fovebis . In quo sane nihil facies praeter veterem Majorum tuorum consuetudinem , qui omnes , quasi jure quodam hereditario , litteras litterisque deditos humanissime complexi sunt ; idque decem saeculorum consensu obtinuerunt , ut AQUAVIVAE Gentis domus tamquam Musarum perfugium in florentissimo Italiae Regno haberetur . Vale .*

*Emin.<sup>iae</sup> Tuae Rev.<sup>mae</sup>*

Bononiae pridie Kal. Decembris 1716.

*Additissimus et Humillimus Servus  
Hercules Corazzi.*

(U)

1. The purpose of this document is to provide information regarding the status of the project. The project is currently in the planning stage and is expected to be completed by the end of the year. The project is being managed by the Project Manager, who is responsible for ensuring that the project is completed on time and within budget. The project is being funded by the Department of Defense, and the results of the project will be used to improve the Department's operations. The project is being implemented in a phased manner, with the first phase being completed by the end of the year. The second phase is expected to be completed by the end of the next year. The third phase is expected to be completed by the end of the following year. The project is being implemented in a phased manner, with the first phase being completed by the end of the year. The second phase is expected to be completed by the end of the next year. The third phase is expected to be completed by the end of the following year.



(IX)

De physiologicis animadversionibus

*Amplissimi Praesulis*

JO. MARIAE LANCISII,

SANCTISSIMI PATRIS

CLEMENTIS XI.

ARCHIATRI,

In Plinianam Villam in Laurentino detectam.

Differtatio Prima.



I, quo primum tempore  
de hac instituenda opti-  
marum Artium Academia  
sub auspiciis Sanctissimi  
ac Sapientissimi Patris  
CLEMENTIS XI. actum est,  
futurum cogitassem, ut ego identi-  
dem dicere juberer, meamque infir-

B

mi-

mitatem exquisitae doctrinae viris patefacere, non tot certe votis, tantaque contentione opus hoc laboris plenissimum promovissem. Non quod onus ullum pro Patriae, ac litterarum gloria suscipiendum grave mihi videri possit, qui me totum Patriae, litterisque devovi; sed quod in hac praestantissimorum hominum corona longe praestet audire, quam audiri. Audendum tamen est, quoniam ita jubetis, et supra vires, supraque ingenium, si fieri possit, audendum. Ecce me igitur in arena: sed eo tamen hodie consilio descendi, ut qui nihil per me possum, aliena mutuer, simulque, & jussis paream, et jubentibus non indigna in medium afferam. Videlicet de illa Dissertatione dicam, quam nuper ad nos Academicus noster litteratissimus Joannes Ma-

Maria Lancisus magni muneris loco misit: sed ita dicam, non ut res tanta, tantique Praefulis fama postulat; quis enim potest? sed ut dicentis infirmitas enixe conata patietur. Non erit, opinor, qui Lancisianis rebus meliora quaerat: nostra siqua erunt, conjunctione ipsa rerum optimarum, toleranda videri poterunt. Inscribitur itaque *Dissertatio - Physiologicae animadversiones in Plinianam Villam nuper in Laurentino detectam.*

Joannes Maria Lancisus, de cuius laudibus satis est nihil dicere, quam infra dignitatem dicere; ita est philosophandi cupidus, ut nullum sibi tempus ab hoc studio vacare patiatur. Itaque etiam cum otiiatur, minime otiosus est; sed solatia ipsa, et ruris delicias ad Philosophiam refert. Cum igitur in Laurentino nobilissimae

Sacchettanae Familiae agro , animi gratia esset illis ipsis diebus, quibus non rura modo, sed urbes etiam vacare solent , hoc est postremo bacchanalium tempore, quaesivit de more, quidnam commentari posset sibi jucundum , nobisque profuturum. Forte per eos dies ea Villa detecta fuerat , quae Plinii fuisse dicitur, ut ex ejus epistola decima septima libri secundi colligere est . Non poterat esse homini litteratissimo nobilius scribendi argumentum . Itaque septem prioribus hujus Dissertationis numeris praeclarum istud antiquitatis monumentum illustrat . Et quidem primum defendit Villae Dominum a Claudii Minoe irrisuibus, qui in scholiis ad ejus epistolas ridet hominem sua plus justo laudantem : deinde probat firmissimis et valde perspi-

(XIII)

spicuis rationibus , aedes paullo ante detectas Plinianas fuisse; hortaturque nobilissimum atque eruditissimum Equitem Marcellum Sacchettum , ut, edita publice loci descriptione, Plinium a mendacii nota liberet, et antiquum fortunatissimis ruderibus splendorem restituat . Paucis haec: sed illa pluribus , quae ad philosophicas pertinent animadversiones . Videlicet praeterire non potuit Vir in perquirendis naturae arcanis diligentissimus novas illas aggestiones , quae circa ostia Tiberis fieri coeperunt , longe quidem per haec tempora majores , quam olim consueverunt . In quo sane nescio , utrum magis eruditionem admirer , qua nobis Tiberis cursum, totiusque litoris incrementa , a primis usque Romanae Reip. temporibus , ob oculos ponit,  
an

an vero singularem atque infinitam prope scientiam, qua nobis ostendit, unde tanta litori accessio hac aetate facta sit. Nos primam partem omit- tentes, quae referri non potest, nisi tota describatur, in altera consisti- mus. Ad quatuor igitur veluti sum- ma capita causas universas tradu- cit, quibus Ostiae litus nostris tem- poribus magis, quam praeteritis, am- plificatur. Primo, quod Tiberis per sinus, flexusque multos tortuosus ex- currat. Secundo, quod variis cana- libus alio derivetur, fiatque veluti multiplex. Tertio, quod ejus alveus multo latius, quam olim protendatur. Quarto, quod solum ripis proximum hac nostra aetate arari, subigique coeperit. Ex tribus primis illud effi- citur, ut aquae tardius eant: ex quar- to, ut aquae pluviae ex proximis agris

in

in flumen decurrentes limi vim maximam invehant. Addite his omnia for-  
dium genera, quae hodie in Tiberim  
projiciuntur: addite ventorum occi-  
dentalium impetum: addite denique  
faucium ipsarum amplitudinem, quae  
undarum cursum valde minuit. Ita si  
illi philosopharentur, qui regendorum  
fluminum praecepta tradunt, seque  
Principibus tamquam optimos hydro-  
staticos venditant, minus quidem mul-  
ta ineptissime scripta legeremus, mi-  
nus multa videremus ineptissime fa-  
cta. Neminem ego reprehendere au-  
sim: sed tamen cum multa elapso an-  
no de Athesi instaurando legissem, A-  
thesimque ipsum, Serenissimae Reip.  
Venetae jussu, per menses quinque  
percurrissem, totumque ejus statum  
praefens considerassem, plurima inve-  
ni, nisi fallor, & cum ratione, et cum  
Me-

Mechanicae legibus valde pugnancia. Quoniam vero ex iisdem causis, ut ego quidem arbitror, litoris Ostiensis aggestiones, & Tiberis exundationes proficiscuntur, date mihi hanc veniam, Auditores, ut, quae de Athesis exundationibus multo antea cogitavi, Venetisque Patribus exposui, vobis dijudicanda proponam. Neminem vestrum ignorare arbitror, quanto sibi tortuosa flumina flexibus suis detrimento sint, modo reputare velit, quo rectius feruntur, eo magis effodere alveum suum, & in profundam deprimere altitudinem. Cum enim aquae ita se habent ac diriguntur, ut ripis parallelae sint, minoribus impedimentis detinentur, ac celerius currunt. Cum autem per sinus, flexusque feruntur, illis veluti macandris non ipsa, modo superficies altius extollitur, sed

Fi-



Filones etiam, ut appellant, in ripas incurrunt, eoque majorem impetum edunt, quo magis percussione momenta gravitatis momentis antecellunt. Praeterea satis constat, ideo flumina excavare sibi alveos, quod motu ipso aliquid corrodant, secumque devolvant, atque exportent. Necessesse est igitur, ut vis illa, qua alveus effoditur, quae vis nihil aliud est, nisi aquae impetus alveum ipsum pondere suo comprimentis, limosi coeni repugnantiam exsuperet: nam si haec illa major sit, aut altera alteri par, nihil omnino efficietur. Id vero multo magis fieri oportet in alvei parte illa, quae sectum, divisumque flumen consequitur. Praeterquamquod enim divisione facta, aquarum cursus plurimum riparum obice inhibetur, sectiones insuper duorum canalium dilatari

## (XVIII)

necesse est, et minui celeritatem. Quod si flumen aequo prorsus orizonte protendatur, vel exigua declivitate pendeat, alveus prope fauces altius assurget, quam procul a faucibus. Hinc ingentes illi arenae cumuli, sabulique aggeres, qui et in Tiberi offenduntur, et in Athesi, unde tam multae fieri solent in proximos agros exundationes; cum certum exploratumque sit, alveorum altitudinem et profunditatem ex faucibus pendere, quarum fundo tamquam basi superiores fluminis partes innituntur. Tiberis igitur, Athesisque flexus potissimae alluvionum causae sunt: non tamen excludenda faucium amplitudo, quibus profecto modus esset adhibendus, et connitendum, ut, quantum res ipsa patitur, in arctius cogerentur. Et sane si praecepta atque

que expeditus in Mare decurrat amnis, quod fiet contractis artificiose faucibus, minus erunt altae sectiones aquarum, quae partes superiores occupant. Si vero fauces latius patebunt, quam oporteat, in tanta amplitudine minoribus aqua viribus utetur; atque ita, impetus maris ex adverso validius obstabit; ac propterea fluctus pro amissa velocitate superius excrescent, suisque finibus effusi subjectos agros inundabunt. Verum, ut quod sentio libere exponam, placet mihi causas omnes, quibus nimia in Tiberi, et Athefi aquarum altitudo tribui solet, ad unicam referre, hoc est ad earum tarditatem ac segnitiam. Nullus enim dubitandi locus est, quin aqua fluens molem suam ita temperet ac moderetur, ut quo majori fertur velocitate, eo magis decreascit, itemque eo

magis augeatur, quo minus est impetus defluendi. Quare collocanda, minime sunt inter eluviones illas, quibus nullum satis aptum remedium adhiberi potest, quaelibet fluminis incrementa; haec enim ab inferioribus impedimentis proficisci constat aperitissime: quod nimirum ob pessimam amnis constitutionem, qui aut in plures quasi ramos diductus ibi fuerit, ubi minime oportebat, aut alveo, aut ostiis plus nimio ampliatus, nequeat tota illa vis aquarum per sectiones inferiores emitti, quae a superioribus demittitur. Potest etiam ideo evenire, quod totus fluminis ejusdem alveus variis inclinationibus propendeat, ut optime perspicui poterit in modulis illis, quos ad harum aedium usum, et ornamentum propediem efformabo. Ex his quisque plane cognoscet,  
eum,

eum, qui curas suas et cogitationes in id confert, ut inundationes avertat, hoc est, ut sectiones inferiores amnis, qui extremis suis partibus est, ut vocant, orizontalis, tantam aquae copiam deferant, quantam ex sectionibus superioribus alvei multimodis inclinati recipiunt, eum, inquam, debere artis beneficio opem ferre naturae. Quod quidem nulla ratione alia fieri potest, quam si aqua tota in unum, idemque veluti corpus coacta decurrat, faucesque, proportionem servata, constringantur. Quod si fiat, commodum illud consequetur, ut aquae multo facilius maris adversantis incursum propellant. Etenim amnis quae exit e faucibus, tunc obstantibus maris undis praevalet, cum magno impulsus impetu prorumpit, qui quidem impetus eo major est, quo majori fertur

tur velocitate. Hinc etiam fiet, ut non solum fauces, quo omnis cura conferenda est, effodiantur; verum, etiam decursus aquae summae in eodem flumine ad orizontem minus inclinetur, ac propterea ocyus in aequor profiliat. Si igitur Tiberis, atque Athesis majori celeritate in mare promerent, tanta profecto non fieret litoris amplitudo ac moles, quantam fieri videmus, ut argumentis certissimis ostendit litteratissimus Lancisius. Etenim arenae impetu validiore in altum devectae multo longius dissiparentur. Quod vero idem litoris augmentum utrique flumini perniciosissimum sit, nullus omnino ambigendi locus relinquitur, tum quod eorundem linea magis magisque producitur; tum, quod alveorum inclinatio in dies magis imminuitur: unde fit, ut eorum  
aqua

aquae leniore cursu, ac minore velocitate defluant. Ego vero praeter ea, quae ad Athesim instaurandum vobis exposui, optimum rei tantae illud etiam esse putavi, ut qua est aditus in mare, construeretur opus trabibus, arcisque multo lapide ingesto contextum, cuius quidem typum ac formam Serenissimae Reipublicae jam exhibui. Hujus porro molis illud beneficium esset, ut tantisper in dextrum latus inclinata ostium defenderet, tum a maris Adriatici profluente unda, tum a ventis, qui in fauces irrumpunt. Sed quamdiu nugis meis patientiam vestram fatigabo? Ad Lancisium redeo in re hydrometrica nulli secundum, qui de aggestionibus ad numerum usque xxv. eleganter, sciteque locutus, eos deinceps arenarum tumulos aggreditur, qui passim supra litus emer.

emergunt, magnamque philosophandi materiam suppeditant. Sive enim consideres, quomodo ipsi tollantur, sive qua ratione tam multae plantae cum exoticae, tum etiam indigenae inde succrescant, non leve est disputandi argumentum. Sed quia alterum altero videtur esse praestantius et utilius, paucis tumulorum generationem exequitur, et in Botanica difficultate consistit. Primum igitur plantas recenset, locorumque discrimina diligentissime notat, ex quibus enascuntur; deinde duobus veluti jactis rei Botanicae fundamentis, ideo, inquit, plantas tam multas, tamque varias, cum in nova, tum in antiqua aggeratione subolescere, quod singularum semina partim ab aquis, partim ab avibus, et brutis, partim a ventis asportata nutritii succi copiam inveniant. Quodque valde mire-



miremini, non ea tantum semina fecunda esse contendit, quae recens advecta sunt, sed illa ipsa, quae tribus, vel etiam quinque ante annis, illuc traducta, sub arena delituerunt. Quinimmo esse quaedam ostendit, quae tam longi beneficio temporis indigeant, donec terra illa sicca et arenosa aliqua ratione pinguescat, singulisque alimenta praebere possit. Sed quid non licet magnis ingeniis? Rebus hisce omnibus tam acute, tam diligenter examinatis nihil est, ut ego quidem arbitror, quod addi possit, aut detrahi. Sed tamen liceat, veluti mantissae loco, nescio quid superaddere, per se quidem exiguum ac leve, qualia solent esse nostra, sed nihilominus ejusmodi, ut in ipsas aquas pluvias plantarum semina, vel frustra a ventis inferri patefaciat.

D

Men-

Mense Majo anni 1711. cylindrum quendam vitreum cum parassem, cujus altitudo erat unciarum undecim, latitudo duarum, et in eo aquae pluviae diligentissime collectae tantum posuisssem, ut ad sex cylindri uncias ascenderet, operui magna fane cura, et in tutissimo loco procul a ventis et sole collocavi. Quarto post Mense tenuissimum quoddam velum in aquae superficie innatare visum est varie textum, cujus particulae quaedam altiores erant, nitrique formam referebant. Mense Martio anni 1712, sed multo clarius mense Junio, coepit in toto velo, praesertim vero in ejus extremis partibus, quae cylindrum attingebant, viride aliquid apparere, quod in dies crescens tam grave fiebat, ut in fundum descenderet, ibique consisteret. Substantia haec vi-

ri-

ridis anno denique 1713. explicuit se:  
 fe, tamquam membrana quaedam,  
 per totam cylindri superficiem con-  
 cavam usque ad uncias quinque, cum  
 aqua ad uncias quatuor redacta esset.  
 Duobus his annis proxime elapsis  
 multo magis aucta est: nunc vero cum  
 aqua tantum decreverit, ut vix dua-  
 rum unciarum altitudinem occupet,  
 membrana aquae superficiem duabus  
 unciis exuperat, tametsi non ubique  
 aequaliter propter inaequalem, ut o-  
 pinor, cylindri figuram. Hic porro  
 animadvertere oportet, partes illas  
 membranae, quae longius ab aqua  
 distabant, aqua imminuta exhaurisse,  
 et in concava cylindri superficie mi-  
 nuta quaedam capillamenta reliquisse,  
 veluti arida virgulta, cinereum colo-  
 rem referentia. Ceterum ubi mem-  
 brana aquae superficiem excedit, per

minutissimas radices cylindro inhaeret; ubi vero ab aqua superatur, caret radicibus, quae subinde, aqua decrescente, oboriuntur. Aqua vero ipsa, quemadmodum animadverti, ejusdem in specie ponderis semper fuit. Primum quidem mihi persuaferam, substantiam illam viridem esse speciem quandam Musci marini, in quo videbar mihi Plinium, ac Theophrastum sequi: sed cum diligentius examen instituerim, Hepaticae genus quoddam censeo, quae a Graecis *λίχην*, a Latinis Lichen appellari solet. In quo me Galenus confirmat, qui, sexto de simplicium facultatibus libro, Lichenis cujusdam meminit, quae Musco similis est, sed tamen inter plantas referri potest. Microscopiis exquisitissimis usus, quae nobis beneficentissimus Comes Generalis Mar-  
silli

filli donavit, saepe vidi totam illam  
 substantiam veluti polymitum quod-  
 dam esse, hoc est alibi planam, fi-  
 lisque tenuissimis intextam, colorem  
 subfuscum imitantibus, alibi promi-  
 nentem per folia quaedam viridia,  
 quae quo magis a trunco recedunt,  
 in ampliorem figuram desinunt, et al-  
 tera alteris supercubantia monticulos  
 formant. Id totum in causa est,  
 Auditores, ut credam, in aqua illa  
 pluvia semina ejus plantae fuisse,  
 quae deinde in cylindro succrevit,  
 nobisque apparuit, cum minime du-  
 bitari possit de illo Botanicae cano-  
 ne, quem in Lancisiana Dissertatio-  
 nis numero vigesimo octavo legimus  
 --Nullam herbam, fruticem, aut arbo-  
 rem nasci usquam posse, quin aut  
 semen, aut plantae frustum, quod  
 seminalis plantae locum tenet, ibi-  
 dem


dem inveniatur . Sed jam ad nostrum Academicum redeamus, nunciis hisce relictis . Disputationem sane mirabilem , talemque , ut nequeat esse nisi Lancisii , duae claudunt urbanissimae epistolae , prima Auctoris ad amplissimum Praesulem Joannem Christophorum Battellum Amaseae Archiepiscopum , et Sanctissimi Patris a Secretis Apostolicorum Brevium ad Principes ; altera Battelli ad Auctorem : de quibus nihil dicam , Auditores , nisi , alteram videri mihi Plinii , alteram Ciceronis ; hoc est Lancisianam Philosophi , sed Philosophi elegantissimi ; Battellianam Oratoris , sed Oratoris sapientissimi . Non est , ut vetustis temporibus invideamus . Habet aetas nostra Bembos suos , Sadoletos , Muretos habet , quae horum omnium , et praeterea multorum , dicendi copiam  
ac

(XXXI)

ac suavitatem in uno Battello admiratur . Sed non est hîc locus , ut de Viris omni genere laudum longe majoribus multa dicamus . Gratulemur nobis potius de tanta saeculi nostri felicitate; gratesque agamus PONTIFICI OPTIMO ac SAPIENTISSIMO , qui talia nobis exempla , in magna luce collocata , ad imitationem proponit . Fruantur diu litterae tanto Principe , fruatur diu Princeps viris tam litteratis ad magnam Romanae Sedis gloriam, Albanique Nominis immortalitatem .



DE





# DE IGNIBUS HETRUSCIS

*Ad Naturae leges expensis.*

## Differtatio Secunda.



U*i* fatis intelligerem, quam  
sit difficile coram vobis,  
Amplissime ac Litteratissi-  
me RINUCCINE PROLEGA-  
TE, Illustrissimi, atque Ex-  
cel*si* Patriae Patres, Auditoresque  
ornatissimi, pro dignitate verba fa-  
cere, neque tamen laborem defugere  
vellem, non alia putavi ratione supe-  
riori anno dignitati me vestrae, atque  
hujus loci amplitudini satisfacere pos-  
se, quam si unius ex Academicis no-  
E  
stris



stris Sapientissimi Viri Joannis Mariae Lancisii celeberrimam Dissertationem, quae inscribitur - Physiologicae animadversiones in Plinianam Villam nuper in Laurentino detectam - in medium afferrem. Atque in eo ita sane successit mihi, ut non modo veniam apud vos invenerim, sed etiam laudem reportarim: quod captae vestrae mentes novitate operis, praesentique oblectatione abalienatae, ea, quae ab illo sumpta referebam, perinde exceperint, tamquam a me excogitata tam sapienter forent, tamque apte disposita, tantaque eruditione referta. At vero hoc anno cum jam non mihi liceat alieno labore videri sapientem, quodnam tenuitati meae subsidium quaeram, aut quid tandem proferam, quod suo merito vos habeat satis attentos? Equidem cum nihil tale de  
in-

ingenio meo sponderem mihi, quod tanto videretur honore dignum, quo me hodie tanta frequentia huc convenientes dignati estis, eam mecum ipse rationem inivi subveniendi inopiae meae, ut, quando non datur doctissimum illum paullo ante commemoratum Virum iterum tanta cum gratia loquentem producere, ejus saltem studia, & industriam, quantum quidem per meas mihi vires liceret, imitarer. Ille videlicet, ut primum ab intentissima opera, quam Principi nostro Sanctissimo navat, respirare potest, securus ac laetus ad sua statim amoeniora studia recurrit, unde tantus in Academiam hanc nostram, atque in totam litterariam Remp. eruditionis fructus solet existere. Ad eundem ferre modum ego, quantum quidem in assidua publicae, privatae-

que scholae occupatione superest mihi temporis, et quantulum in me virium, et ingenii est, ad naturalium rerum studium, quas mihi partes imposuistis totum confero. Ac quemadmodum ille Dissertationem suam, dum rusticaretur, elaboravit; ita ego meam hanc, quam statim recitabo, per vacationes autumnales itidem ruri confeci. Quo videlicet intelligatis, ne illud quidem otium honestissimum, quod relaxationis gratia concedi solet, a me, causa utique vestra, omni prorsus penso vacuum praeteriri. Excipite ergo aequis auribus animisque, quae de Hetruscis ignibus ad naturae leges expensis recens a me notata, atque animadversa vobis expono, unde aliqua fortasse vobis lux exoriatur ad Physicam facultatem.

Petramala Vicus est dioecesis Bon-

noniensis, Magno Hetruriae Duci civili jure subjectus. Non procul ab illo quatuor ignes ex locis inter se diversis erumpunt, quorum primus ab Incolis Ligneus vocatur; alter vulgo del Peglio; tertio del Montoggiolo; quartus vero, qui raro accenditur, Canidae ignis nuncupatur. Omnes ex una eademque causa profisciscuntur: et quia ignis Ligneus est ceterorum maximus, ad illum converti animum, omnemque laborem meum et industriam contuli. Hic itaque in ipso Canidae montis dimidio situs est, qua ad orientem vergit infra summum ejusdem montis verticem pedes Bononienfes tercentos septuaginta octo. Exurgit ex parva rotundaque planitie, cujus diameter pedum est fere novem. Non ex omni hac superficie exeunt flammae, sed alia-

qui-

quidem hinc , alia illinc ex variis foraminibus erumpit . Jussi primum ligone excavari alveolos quatuor dimidium pedis altos , latos pedes unum , longos decem , qui se ex ignis circumferentia ad apertam planitiem extendebant : primus quidem ad Septentrionem , ad Ortum secundus , tertius ad Meridiem , quartus denique ad Occasum vergebat . Deinde saepius in extrema alveorum parte Thermometrum posui , & animadverti eundem liquorem minore temporis spatio in alveo illo , qui Septentrionem , hoc est , qui montis Canidae verticem respiciebat , sursum attolli ; quamobrem valde mihi persuadeo , caput et originem hujus ignis in montis ipsius fastigio esse , aut prope fastigium . Porro trium dierum spatio animadverti Mercurii altitudinem meridiano tempore

pore in Barometro quodam illi admodum simili, quod hic ego reliqueram ab ornatissimo Doctore Philippo Vernizzi Alumno meo diligentissime custoditum, lineas septem inferiorem esse. Quamobrem (si tamen hujusmodi metiendi rationi fides adhibenda est) Ligneum ignem plano orientali Bononiensi mille sexcentos et nonaginta octo pedes altiore esse mihi persuadeo. Ad extremam ignis partem qua meridiem respicit, fossam decem pedes latam, longam sexdecim excavandam curavi, quae tribus diebus pedes sexdecim effossa est. Hic nihil aliud advertere potui, nisi terram, quo altius effoditur, molliorem esse, et oleaginosa quadam materia magis imbutam. Hujus terrae color subfuscus est ac cineri similis; terra vero ipsa boli instar laevis, pinguis

guis et unguinosa, gravi pondere, substantia quadam arenosa ac tenui, qualis ferme solet esse creta sicca, sapore et odore petroleum referente. In ea fossae parte, quae igni proxima est, strepitus quidam exaudiebatur, perinde quasi subter ignem aliquis flueret amnis. Quare illico operam dedi, ut fornix fieret sex pedes latus, altus vero octo furni instar, ut sub ignem facile penetrare possem. Sed cum jam ad quinque pedes terra effossa esset, hiatus quidam factus est, ex quo magna venti calidi vis erupit, qui post triginta minutorum spatium, una cum illo, quod audiebatur, murmure, evanuit. Postero die jussi iterum scalpris ferreis fornicem excavarı; sed cum scalprum quoddam offendisset lapidem, ex eo ictu scintilla quaedam excita est, quae tantum  
ignis



ignis repente accendit, ut totum fornicem, et fossam, non sine eorum, qui aderant, periculo, occupaverit. Sciendum est, Ligneum ignem, de quo verba facimus, extingui posse, iterumque accendi, si quis fomitem aliquem, aut exilem facem admoveat, quae statim ( ut prorsus in pulvere pyrio usu venire solet) omnem superficiem, ex qua exit ignis, incendit. Igitur jussi primum hunc ignem extingui, mox circa ipsum quadratum in planitie descripsi, cujus superficies pedum esset centum et quadraginta quatuor. Locus iste magna virium contentione, & improbo labore excavatus est, propter lapides multos, qui passim occurrebant, pedesque duos et viginti effossus est. Hic quoque deprehendi, quo altius ligones agebantur, eo magis terram liquore illo, de quo

F

an-

ante diximus, imbutam esse. Ego e-  
 quidem ignis hujus originem me de-  
 prehendere posse sperabam; quinim-  
 mo omnes illius loci incolae idipsum  
 pro certo habebant; sed illa ipsa no-  
 cte, & proximis subinde diebus tanta  
 decidit pluviae copia, ut, fossis jam  
 aqua nimia repletis, incoeptum opus  
 prosequi nequiverimus. Postquam  
 ego discessi, imbresque delapsi ex-  
 haurere, ignis denuo ab incolis ac-  
 census est, qui ad me scripserunt,  
 numquam antea tam ingentem fuisse;  
 ideoque magis magisque eorum opi-  
 nionem confirmari, qui ignis istius  
 caput et fontem non nimis alte la-  
 tere putant. Igneam hanc terram  
 attente exploravi non oculis tantum,  
 sed etiam microscopio: et primum  
 quidem partem quandam abscidi se-  
 ctione ad orizontem parallela, ma-  
 gnam-

gnamque pororum copiam deprehendi, e quibus humor quidam petroleo similis emanabat. Eam deinde secui perpendiculariter ad orizontem, variisque mihi pori (qua quidem in re non mediocri affectus sum voluptate) arborum ramis, nervorum, venarumque truncis omnino similes sese obiecerunt. Terra haec neque temporum vicissitudine, neque pluviarum copia suum amittit colorem. Sub dio posita odorem, suamque illam unguinosam pinguedinem diu servat: sed paullatim amittit utrumque. Bernardus Nunzi, cui Capreni Ecclesia et Paroecia commissa est, dignus enimvero, quem sibi ceteri animarum Pastores, velut insigne omnium virtutum exemplar, ante oculos ponant ad imitandum; qui in difficili illo et operoso munere ita,

agit, quasi de Caelo missus; qui annuos proventus, quantumvis tenues; partim in Ecclesiae ornamentum impendit, partim pauperibus erogat; qui populum sibi concreditum ad veram Christi scientiam sine intermissione informat; qui denique diu noctuque aegrotos invisit, eisque necessaria omnia liberalissime impertitur; is, inquam, identidem cum eorum aliquo, qui sibi maxime cordi sunt, et esse debent, Christiana dogmata explicans (o vere felicem beatamque vitam!) ad Canidae montem se confert, flammisque illas incredibili voluptate notat, et observat. Is mihi narravit flammam hanc aliquando esse majorem, aliquando minorem. A mense Martio anni 1713 usque ad Martium anni 1714 fuit exigua semper et exilis: a Martio vero anni

1714 usque ad Martium anni 1715  
 ita crevit, ut hyberno tempore anni  
 praeteriti sese ad quinque pedum al-  
 titudinem erexerit. Postquam vero  
 ego terram illam effodi, ad septem  
 usque pedum altitudinem pervenit,  
 quae quidem post hominum memo-  
 riam summa est et maxima. Quo tem-  
 pore ibi fui cum liquor in Thermo-  
 metro ad lineam crescebat, statim se  
 flamma ad pedis dimidium extolle-  
 bat; quae proportio, et analogia;  
 a me notata diligenter, perpetua fu-  
 it. Cum eurus vel pluvia imminet,  
 flamma extollitur. Quamquam mons  
 ille multis anni mensibus nive operi-  
 tur, tamen tellus, quae ignis circum-  
 ferentiae proxima est, septem pedum  
 intervallo tota apparet. Flamma sem-  
 per ardet, nisi assiduis effusisque im-  
 bribus, aut ventis vehementissime  
 flammam

flantibus extinguatur. Venti porro ejus odorem petroleo similem pedes circiter quadraginta diffundunt. Ego vero, ut de re hac certior fierem, terrae hujus partem non mediocrem accepi, eamque in tepidam aquam multoties conieci, unde liquoris drachmas duas petroleo similis expressi. Insuper terrae hujus portionem misi Clarissimo ac honestissimo Viro Marco Antonio Laurenti in hoc Scientiarum Instituto Chimicae Artis Professori, quam ipse Lucretio Bonzi Alchimistae nostro praebuit. Cepit hic terrae illius libras tres, totidemque uncias, et cum aliquantum trivisset, posuit in retorta, seu vitreo alembico lutea tunica armato, quem in furno reverberii collocavit, ejusque color vas vitreum addidit, juncturis bene clausis diligenterque compactis.

In-

(XLVII)

Inde ignem supposuit, ut ajunt, primi gradus; tum aliquanto post gradus secundi, unde fluidam materiam lacti per similem eduxit. Igne vero post duas horas aucto, albescentes fumi in vase apparuerunt, qui trium horarum spatio vas ipsum obnubilantes circumvolarunt; deinde vero in turbidum laticem evaserunt. Duas rursus horas hic ignis duravit; nihil tamen interea accidit animadversione dignum. Lignis autem admotis, vapores nihil priorum dissimiles sunt excitati; sed brevi dilabentes distillationi finem imposuerunt. Cum vasa refrixissent, latex quidam sub turbidus unciarum quinque, et drachmarum sex apparuit, odorem saporisque levem petrolei referens, paulum ad falsedinem vergentem. Hujus liquoris nonnullae stillae in ignem  
con-

(XL VIII)

coniectae ipsum extinguebant, tenuem petrolei odorem exhalantes. Aliae vero cum spiritu vitrioli admixtae parvo aestu effervescebant, neque superius, neque inferius, tum in ipsa effervescencia, tum post quidquam separantes. Quin etiam pellucidae factae sunt petrolei odorem paulisper retinentes. In alia quadam ejusdem liquoris portiuncula cum sal volatile siliquarum positum esset, bullulae quaedam apparuere, nihilque praeterea. Cum sal quoque armoniacum infusum esset, auxit paulum petrolei odorem. Ipse demum liquor in oleum tartari iniectus est, multasque horas supernatavit. Cum ex fornace retortaeducta est, terra, quae in illa inventa est, partim subfusca apparuit, partim etiam rubra, quod consumpto paulum retortae fundo,  
ad



(XLIX)

ad eam usque flamma penetrasset. Acidis super infusis efferbuit, quemadmodum solent alcalica omnia. Haec in igne, igneaeque terra censui animadversione digna. Jam vero ad alia transeamus. Ignis hic ligneus numquam triginta pedibus ex loco, ubi ardet, longius se extendit, quindecim propius, quindecim remotius a montis Canidae vertice, eandem semper viam tenens. Non procul duo torrentes fluunt, aquam dulcem salubremque deferentes. Primus est ad Orientem, alter ad Meridiem, distantque ille quidem 109 passus, hic vero 180. Pecora a pascuis huic igni proximis non abhorrent. Ibi ego collegi varias plantas flammaram vicinitate semiustas; hoc est Cardum Sylvestrem; Gramen Aculeatum, quod Graecis *drypaeis*; Plantam quandam simillimam Polio a Dios-

G

cori-

coride descripto, caulibus teretibus et albis, flore et capitellis Polio similibus, non sine aliquo odore; Morsum Diaboli; Symphytum Petraeum ramis subtilibus, capitellis, et frondibus thymo similibus. Sed illa ceterarum pulcherrima fuit, quae a Graecis *σέυπη*, ab Italis Lanaria nuncupatur. Haec colorem nigricantem praeseferebat, ramos teretes habens sex foliis ornatos, folia vero ipsa partim nigra, partim rubra. Hae plantae radices agunt in terram illam oleosam, et ex ea nutriuntur. Denique animadverti, per loca igni proxima identidem reperiri Idola, et numismata. Bernardus Nunzj, qui rebus antiquis mirifice delectatur, affirmat, nulla inveniri numismata primis Imperatoribus vetustiora; eumque priscarum gentium morem fuisse, ut talia

talia quaedam in ignes illos conjice-  
 rent; quapropter, inquit, ignium an-  
 tiquitas non videtur esse major anno  
 ab Orbe condito 3917, quo tempore  
 Imperatores rei Romanae potiti sunt.  
 Equidem pace ornatissimi ac religiosissi-  
 mi Viri dictum velim, ex iconibus,  
 Idolis, ac numismatibus, quae ibi repe-  
 riuntur, nihil de horum ignium vetu-  
 state affirmari posse arbitror duabus po-  
 tissimum de causis. Nam primum si  
 numismata, et Idola in ignes coniici  
 consuevissent, non passim per agros  
 dispersa reperirentur ad 300 usque  
 passus, sed apud ignes ipsos dumtaxat.  
 Deinde cuilibet igni proxima essent,  
 non per illud tantum spatium determi-  
 nata, quod inter ignem Ligneum, et al-  
 terum del Peglio intercedit. Itaque e-  
 xistimo verosimilius, cum non procul  
 hinc Hetruscorum Arx fuerit celebra-  
 C 2 rima,

rima , quae hodie dicitur Capreni Arx  
 ad quam multa praelia commissa sunt,  
 ut est apud Historicos , simul cum hu-  
 manis corporibus numismata , et Idola  
 ibidem humata fuisse. Ego tria tantum  
 numismata reperi , duo quidem Con-  
 stantini Magni, tertium vero Constantii  
 ejus filii : aliud insuper argenteum re-  
 perit Nepos Plebani del Peglio , me  
 praesente in quo haec legebantur -  
 Thaddeus Primus Pepulus Princeps Bo-  
 noniae - quod ego Amplissimo Domino  
 Marchioni Joanni Paulo Pepulo Maece-  
 nati optimo donavi. Si per valetudi-  
 nem licebit , rursus me proxima aesta-  
 te in montes illos conferam , in quibus  
 multa sane praeclara sunt , & cognitio-  
 ne vestra dignissima . Interim vero haec  
 qualiacumque aequi bonique facite ,  
 nec reputetis, quid vobis afferri debeat,  
 sed quid a nobis afferri possit.

DE

(LIH)

DE PESTIS  
BOVILLAE  
HISTORIA

*Ab Illustrissimo ac Reverendissimo Praefule*

JO. MARIA LANCISIO

EDITA.

Differtatio Tertia.



I quoties doctissimus Prae:  
sul Joannes Maria Lanci:  
sius eruditas lucubrationes  
in lucem edit, toties id  
mihi oneris imposituri e-  
stis

stis, N. N., ut eas in hoc amplissimo loco referam, vereor, ne major viribus provincia sit, pluraque ille scribere, pro sua incredibili foecunditate possit, quam ego referre. Vix annus elapsus est; ex quo praeclarissimam de Villa Pliniana Dissertationem in conspectum vestrum attulimus, & pro virili commendavimus, cum rursus volumen alterum mole non exiguum, rerum vero copia, stili elegantia, & sententiarum gravitate maximum expendere jubemur, & ad hujus Academiae utilitatem per summa capita vobis exponere. Parendum enim vero vobis, quoniam ita necesse est, parendum, Auditores; sed illud ante denuncio, Lancisiana opera ejusmodi esse, ut recitari debeant, non referri. Nihil est otiose dictum, nihil quod paucioribus dici possit; sed tamen quoniam  
 211  
 ita

ita ratio postulat, et usus referendi, conabor quantum fieri poterit, omnia in angustum coercere, et de quibus potius dicat, quam quae dicat enarrare. Illud vos etiam atque etiam oro, Auditores spectatissimi, ut hodierna die non me quidem dicere, sed Lancisium putetis; eoque silentio et attentione audiatis, quam Philosophus toto orbe celeberrimus promeretur.

Quamquam egregius Vir satis multa ad Orbis, et litterarum utilitatem facit, cum nobis sapientia, & industria sua vitam servat optimi ac sapientissimi Principis; tamen qui nunquam satis sibi satisfacit benefaciendo, novas in dies lucubrationes meditatur, ac scribit, quibus homines a multorum morborum lae, egregie docendo, defendat. Is est libri huius

jus scopus, quem in praesentia prae manibus habemus. Nihil enim praeterea continet, quam Historiam quandam Pestis Bovillae ab origine usque repetitam, ut si quando homines simili calamitate vexentur (quam ego votis omnibus, precibusque avertō) multa consilia, multaque praesidia, in hoc quasi Thesauro parata reperire possimus, quibus vel grassanti, vel imminenti morbo facile succurramus. Tres enim in partes volumen totum divisum est ad magnam quandam perspicuitatem; in quarum prima, quae toto illo tempore Romae, & in finitimis Oppidis contigerint, continentur; in altera, opportunissima decreta ad remedium promulgata; in tertia denique phaenomena, signa, causaeque foedissimae pestilentiae. Sed jam primam aggrediamur.

To.



Totius historiae initium visum est doctissimo Viro ab Hungarico illo Bo-ve repetere, qui in Italiam anno 1711 advectus est. Ita enim facile morborum genus omne superatur, si causa princeps inveniri possit, atque convelli. Hinc in Latium transit, ostenditque firmissimo argumento, Mercatorum avaritia factum esse, ut lues illa, quae intra Venetos fines sese non exiguo tempore continuerat, in Campaniam primum, deinde in Agrum Romanum irrepsit. Hic vero habetis, Auditores, primum Sanctissimi Patris consilium ad luem teterrimam propulsandam. Ubi enim tristissimum nuncium accepit, statim Cardinalium, et Praefulum ornatissimorum conventum habuit, ut ea omnia dicerentur, ac fierent, quae in rem gravissimam convenirent. Non opus est singula

H

com-

commemorare . A capite tertio ad nonum usque prudentissima habentur edicta tum ad pietatem, tum ad Politiam, tum ad artem Medicam pertinentia, quae incredibilem incomparabilis Principis vigilantiam declarant. De nono vero, ceterisque quid dicam? Cum tot, tantaeque per totum Latium pecoris strages ederentur, valde timuimus, ne ad extremam inopiam veniretur, magnoque cum rei frumentariae detrimento inculti agri destituerentur. Sed Dei Optimi Maximi providentia factum est, ut calamitosissimum tempus in felicissimam CLEMENTIS XI. aetatem incideret, qui sua quadam non facile laudanda, multo vero minus imitanda, cura et liberalitate, impendentia mala, timoremque omnem a suis Civitatibus ac finibus propulsaret. Infinita

nita prope sunt, quae a nobis referri possent in rem hanc, si cuncta referre necesse esset; excussae multorum sententiae, & optima quaeque probata; pecuniae indigentibus distributae; boves e saluberrimis locis importati; agricolatio iussa; agrorum census habitus; denique omnia tentata, omnia provisa, quae tentari, ac provideri ad tot populorum salutem, et incolumitatem poterant.

Singula haec ita diligenter persequitur doctissimus Lancisius, tanta perspicuitate, et orationis nitore explicat, ut oculis prope ipsis conspiciantur. Sed cum in aratione praesertim consistat, & omnia referat, quae hac de re a sapientissimis Viris proposita sunt, et ab optimo ac Sanctissimo Patre iussa, rogamus, obtestamurque Auditores nostros, ut ea

ipsi per se legant , et attente considerent , habituri nobis gratiam non sane levem , quod praeclarissimum et utilissimum locum ostenderimus . Lites itidem inter agrorum dominos , et colonos obortae referuntur , & judicia , quibus sublatae sunt ; regulae ad tollenda pastorum de pascuis certamina ; edicta de re gravissima ; denique praesidia omnia , quibus foeda contagio depulsa est , & res frumentaria restituta . Ex quibus omnibus facile colligent posteri nostri , ad hujusmodi calamitates avertendas , primum quidem tollendum esse commercium omne ejus pecoris , quod laborat ; deinde vero cadavera celeriter sepelienda ; tum ex finitimis regionibus extra periculum positis armentorum mercatores alliciendo ; denique antevertendum consilio

lio operaque omni arationis tempus,  
si morbus in boves invaserit.

Sed jam ad partem alteram properemus, quam multo brevius absolvemus, quoniam nihil continet, nisi edicta ipsa, de quibus in parte prima mentio facta est. Visum est itaque, Viro perspicacissimo Summi Pontificis, Sacrae Consultae, ac Ministrorum functiones integras edere, ut simul omnes curam, & vigilantiam attentissimi Principis agnoscant, simulque veluti exempla proposita habeant ad remedia in gravissimis periculis comparanda. Diligentia haec saeculo nostro maxime probari coepit, quo nihil fere narrari solet, nisi certissimis documentis comprobetur: quod nisi majores nostri fastidio quodam omisissent, haberemus profecto exquisitissima antiquitatis monumenta ad  
mul-

multarum rerum historiam, et eruditionem illustrandam. Neque vero confuse, ut pro tempore, & causarum ratione edita sunt, decreta exhibet Historicus noster, sed pro illa perspicuitate ingenii, quae in scriptis ejus ubique elucet, in duas classes distribuit, in quarum prima ea exscribit, quae ad prudentiam optimi Pontificis, in altera quae ad ejus incredibilem ac propè divinam liberalitatem referuntur; ut ex illis quidem appareat, quomodo pestilentiam arcuerit; ex his vero, quomodo rem frumentariam, & agrorum cultum restituerit. Verum haec legenda sunt, non referenda. Ad partem tertiam gradum faciamus.

Sed haecenus quidem Historicum audistis; deinceps Philosophum ac Medicum excipite. Videtis, opinor,

nor, hanc esse provinciam ejus: etsi enim nulla est litterarum pars, in qua non egregie versetur, in philosophicis tamen et Medicis rebus veluti regnat, totiusque Italiae consensu princeps est. Praeterquamquod nullius paene frugis censenda sunt, quaecumque in prima et altera parte afferuntur, nisi morbi hujus natura, causae, effecta, et curandi rationes explicentur. Caput primum eruditionis plenissimum est, non ex prophana solum, sed etiam ex sacra Historia petitae. Ostendit enim genus hoc calamitatis minime novum esse, sed priscis temporibus familiare fuisse ex Livio, Plutarcho, Columella, Eginardo, & pluribus analibus; ubi illud praesertim animadvertendum est, Ethnicos populos in hujusmodi periculo, tamquam omnium maximo, novos ritus, novaque sacrificia

ficia instituisse , Deosque suos , quoquo tandem modo possent , placavisse . Certe morbus est ejusmodi , ut cum nulla humana diligentia sanari posse videatur , homines altius convertat , jubeatque a Superis ipsis peculiarem quandam opem postulare . Hanc in rem Eclogam S. Severi non inelegantem affert , unde apparet , bovillam pestem , saeculo quarto per omnem Europam sevientem , non sine miraculo esse depulsam . Sed quia non defuerunt , qui morbum hunc aetate nostra grassatum veram pestem fuisse negarent , hoc ipsum in altero capite persequitur , et varia luis signa ac symptomata elegantissima descriptione recenset . Et ne quid nobis desiderandum relinqueret , celebrem illam et philosophica meditatione dignissimam quaestionem omittere noluit , cur pesti-



stiferum miasma boves tantummodo afflaverit. Difficultati respondet Hippocrates lib. de Flatibus numero octavo; sed ejus verba & pauci intellexerunt, & nemo adhuc satis apte explicavit. In hoc tota vertitur responsio, quod *corpus a corpore, natura a natura differat*; sed quomodo id fiat, hic opus, hic labor est. Juvat Interpretis nostri explicationem totam describere, vobisque rectissime judicantibus subiicere, ut ex parvo quasi specimine intelligatis, quid hoc voluminis sit, quod vobis commendo - Aer, inquit, secum defert, suspensaue habet innumera, diversaue corpuscula, itaut quae spiritum ducunt animantes, eadem simul hauriant semina, quae deinde per corporis vias, & canaliculos permeantia pro cuiusque corporis textura, & humorum

temperatione, mixtioneque cum illis non idem efficere consueverunt. In aliquibus enim ita solidas partes extimulant, ac vellicant ob figurarum, viarumque dissimilitudinem; ita fluidas miscent, atque perturbant, quod alia sibi similia corpora motu cieant, ut funditus illas immutent. Praeterea ob viarum, & tubulorum corporis diversitatem cum aere, potu, vel cibo hausta corpuscula, multis modis percolata, atque disposita longe dissimiles succos efficiunt, aut noxios scilicet, aut salubres. Quid excogitari potest acutius, aut nitidius explicari? Id porro exemplis a plantarum diversitate petitis egregie confirmat. Quemadmodum enim dulcibus & innoxiiis plantis in eadem telluris area amarae & veneficae adnascuntur, quod iidem habitus, iidemque succi di.

diversis plantarum tubulis excepti diversas naturas induant ; ita eadem corpuscula a diversis animalibus hausta , pro varia solidarum partium textura , & liquidarum temperatione , varios , sibi que contrarios effectus edunt. Per haec absoluto tertio capite , in quarto eventa recenset observatione dignissima , quae fieri tum in hominum , tum in bouum peste consueverunt , rationesque affert , cur Vespillones , grassante in ceteros morbo , facile evadant ; cur boves pingues facilius laborent ; cur modo bubalorum vituli salvis matribus , modo matres salvis filiis interire soleant . Sed , ut antea dixi , properandum est.

Jam enim eo veniamus oportet , ubi doctissimus Vir hujus contagionis causas explorat. Ut hoc ordine praestet , primum quidem aliorum opinio-

nes refellit, tum suam in medium affert, atque confirmat. Forte per ea tempora rumor increbuerat, insectum quoddam, Buprestin nomine, totius cladis auctorem esse, jamque in populi animis praesenti calamitate sollicitis, opemque undeunde sperantibus fidem invenerat; nec defuit qui ad ipsum Pontificem summum de re hac libellum afferret. Negotium statim ad Academicum nostrum, tamquam ad judicem, delatum est; qui in conventu apud illustrissimum & honestissimum Bancherium Buprestis causam egit, et ab omni non solum crimine, verum etiam suspicione bestiolam istam luculentissima oratione defendit: primum, quod nemo unus in agro Romano Buprestin deprehenderit; deinde, quod Buprestis venenum contagione non contrahatur; deinde, quod tantus esse

se nequiverit Buprestium numerus, ut boves quatuor supraviginti millia interfecerint; deinde, quod armenta non pauca, obsepta & munita custodiis, communem morbum evaserint, cum tamen contra Buprestin, aligerum animal, nullae custodiae valeant; tum quod credibile non sit, Buprestin nocuisse bobus, ceteris vero animalibus pepercisse; denique, quod nullum ex iis signis apparuerit, quae Buprestis venenum efficere solet. Buprestis fabulam satis eliminatam altera fabula excepit. Quidam enim totius morbi causam in vermem quendam prope cranium in naribus latitantem conferebant, & pharmaca etiam proponebant, quibus adhibitis excuti posset. Alii non unum, sed plures vermes comminiscabantur, a quibus veluti scabies quaedam contagione propagata ori-

retur : Utrosque lepidissime refellit; sed cum posterioribus maxime humaniter agit, quippe amicis, & de re litteraria optime meritis.

Jam vero ad caput octavum pervenimus, ubi de suo ipse sensu bovillae pestis causam exponit, viasque aperit, per quas in animalium corpora irrepit. Id nihil est aliud, quam peculiare quoddam particularum genus minutissimarum, quae summa pernicitate praeditae citissime ac vehementissime feruntur; & cum bovem attigerint, nares primum, os, & oculos vellicando penetrant, deinde in nervos, & sanguinem per pulmones, & stomachum illabuntur; postremo partium omnium tam solidarum, quam fluidarum texturam et temperationem irritando, atque arrodendo labefactant. Haec porro ut explicata lucu-

culentius haberemus, epistolarem Dissertationem adiecit, quam Italice scriptam ad ornatissimum et doctissimum Praefulem Antonium Mariam Borromaeum, e Theatinorum illustrissima ac religiosissima Familia, paucis ante annis miserat. In tres omnino partes dividitur: in prima agit de morbi genere, quaeritque, novum ne sit, an antea cognitum, quove nomine appellatum; in altera causam inquit, a qua profluxit, & quomodo in hanc brutorum speciem casu, eventoque vario propagatum sit; in tertia, quae curandi ratio, & praecavendi adhibenda sit, ingeniosissime ostendit. Non est pluribus opus, cum ante editionem hanc, Venetiis primum, deinde Neapoli in lucem prodierit, & in omnium manibus versata sit. Siquid ex ore vestro, Auditores optimi, coniiicere pos-

possum, id unum expectatis, ut gravissimi morbi remedium aliquod proponatur: sed ingenue fatetur honestissimus Vir, inter remedia plurima, ubique usurpata, omnino nullum certum ac specificum inventum esse; sed pleraque exitralia fuisse, paucissima innoxia. Quo igitur confugiendum? Scilicet primum quidem Dei Optimi Maximi auxilium exorandum, qui unus boves et jumenta servare potest; deinde vero sani atque integri boves ab aegris omnibus, atque adeo a rebus aliis simili tabo contaminatis separandi, ac defendendi. Hoc ipsum remedium antiquis temporibus usurpatum est: hoc Columella, Gesnerus, Eracastorius, & sexcenti commendarunt; hoc experientia, quae pluris quam Medici, Scriptoresque omnes facienda est, aetatibus omnibus confirm.



firmavit. Hac de caussa in capite ultimo monita quaedam continentur, quibus non jam aegri sanentur, sed sani cura et diligentia defendantur. Utinam haec attentissime legantur, & animis hominum altissime defigantur; ut quoniam, fato nescioquo rerum humanarum, hujusmodi calamitates omnino abesse non possunt, quam minimum tamen propagentur.

Ad libri calcem appendix est ejusdem Auctoris de equorum lue, quae in Latio grassata est anno 1712, ubi totius morbi historia, judicium, & remedium exponitur. Sed quia haec quoque semel, & iterum edita est, omnibusque notissima, plura dicere supersedeo. Jam enim fortasse de opere toto nimium dixi, quam oporteat, quod nihil dixerim pro rei dignitate. Sed id tamen, ut spero, di-

(LXXIV)

dicendo obtinui, ut Lancisianam lucubrationem tanto magis homines admirentur, quanto ex me clarius intelligunt, tanti Viri sensa, nisi ab ipso, explicari non posse.

FINIS.

*Vidit D. Franciscus Aloysius Barelli Barnabita Congreg. Cler. Reg. S. Pauli Sanctissimae Inquisitionis Consultor, & in Ecclesia Metropolitana S. Petri Poenitentiarius pro Eminentissimo, & Reverendissimo Domino P. Jacobo Cardinali Boncompagno Archiepiscopo Bononiae, & Principe Sac. Rom. Imp.*

**IMPRIMATUR.**

*Fr. Thomas Maria Canetti Provicarius Sancti Officii Bononiae.*

BONONIAE

M DCC XVII

---

Typis Julii Rossi, & Soc.  
ad Vexillum Rosae.  
Superiorum permissu.

